

FORUM ONG TIMOR LESTE THE TIMOR LESTE NGO FORUM



Rua do Mercado Municipal, Dili Timor-Leste/ Mobile Phone +670 7799304/ 77236782/ forumong.tl@gmail.com, joao.fongtil@gmail.com/ <https://fongtil.org.tl/>

Relatóriu Monitorizasaun Vasina Semanál Dala 15 husi 27-29 Setembru 2021

1. Introdusaun

Forum ONG Timor-Leste (FONGTIL) kontinua halo advokasia liu husi enkoraja membru ONG sira hodi kontinua halo monitorizasaun ba vasina iha territóriu tomak atu aseguira iha kualidade, efikásia no inklusivu ba retroasaun prestasaun servisu no aseguira komidade ninia direitu hodi asesu ba informasaun, hasa'e taxa partisipasaun vasina hanesan meius ida hodi kontribui ba prevensaun COVID-19 iha Timor-Leste. Dadus sira ne'e rekolla liu husi ONG sira ne'ebé halo vizita direta ba fatin vasinasaun hodi hare'e no analiza situasaun atuál ne'ebé akontese durante no depois vasinasaun nomós atendentu husi pesoál saúde atu aseguira responde objetivu vasinasaun nian. Atu responde prosesu vasinasaun la'ho kualidade no taxa partisipasaun komidade másimu, FONGTIL kria ona matadalan hanesan: pontuasaun 1. La di'ak, 2. Ladún/natoon no 3. di'ak/di'ak liu), atu nune'e kada semana ita bele hatene mudansa signifkante no problema ne'ebé hasoru hodi hadi'a ba futuru.

No	Pergunta sira
1.	Oinsá esforsu hodi hasa'e konsiénsia komidade nian kona-ba importánsia simu vasina?
2.	Oinsá prosesu atendentu pesoál saúde iha fasilidade saúde sira?
3.	Oinsá preparasaun lojistiku no ai-moruk vasina nian iha fasilidade saúde, suficiente?
4.	Oinsá ho apoia husi lider komunitária sira ou parte relevante sira hodi hasa'e taxa partisipasaun iha vasina?
5.	Oinsá taxa partisipasaun komidade nian iha vasinasaun?
6.	Oinsá perspetiva komidade, ou parte relevante sira kona-ba vasina iha fatin ne'e?
7.	Husi monitorizasaun sira mak halo ona iha tempu sira liu ba oinsá ho ninia progresu?

Nune'e iha loron 27 to'o 29 Setembru 2021, membru Forum ONG Timor-Leste (FONGTIL) hamutuk 23 maka halo ona monitorizasaun iha munisipiu Lautem, Aileu, Bobonaro, Ermera, Baucau, Viqueque, Manatuto, Dili, Liquiçá, Ainaro no Covalima ne'ebé kobre fasilidade saúde ou sentru saúde 33 ho nia Detallu hanesan tuir mai ne'e:

Naran ONG	Fatin Monitoring	Municipiu
Fundasaun NAFOFILA	Community Health Center (CHC) Ainaro Posto Saúde Soro (Suku Soro)	Ainaro

Knua Haberan Comunidade (KHC)	Sentru Saude Caraubalu Sentru Saude Uatolari Postu Saude Afaloicai Postu Saude Uma Quic Sentru Saude Uatolari	Viqueque
Associação KADORAS Radio Komunidade Tokodede	Sentru Saude Liquica Vila Sentro Saude Maubara.Suku Vaviquinia	Liquica
A.HFTL ONG FUNERO ONG PROSPEK	Sentru Saude Iliomar Sentru Saúde Lospalos Sentru Saude Lautem Aldeia Malailada, Suku Baduru Suku Parlamentu	Lautem
Fundasaun Uma PAS Baucau (F-UPB)	Sentru Saúde Postu Laga, Suku Soba	Baucau
A.UFD	Sentru Saude Riamare, SENTRU SAUDE BUCOLI	
Juventude Inovativu (JI) Aliansa Nacionál Controlu Tabaco – Timor-Leste FTM ONG Sharis Haburas Comunidade (SHC) ONG ROMAN LUAN	Klinika Maternidade Fatumeta Sentru Saúde Vera Cruz, Suku Caicoli Sentru Saude Fromosa Sentru Saúde Comunitaria Becora SENTRU SAÚDE KOMUNITÁRIU- ATAÚRO	Dili
Centro Comunidade Covalima	Klinika Suai villa suku Debos	Covalima
Instituto Matadalan Integradu Hametin Democrasia no Igualidade SJME	Sentru Saúde Letefoho Sede aldeia Renomata, Suku Ducurai Centro Saude Posto Railaco Centro Saude Postu Ermera Vila	Ermera
Aileu Resource and Training Center (ARTC)	Sentru Saude Namolesso No Salaun ESG Dom Tomas Namolesso	Aileu
Asosiasaun Moris Foun	Sentru Saude Manatutu Vila	Manatutu
Fundasaun Haburas Moris	Sentru Saúde Balibo Villa Sentru Saúde Cailaco Suku Miligu Sentru Saúde Ritabou, Suku Ritabou	Bobonaro
ONG Rede Informasaun Oecusse (REINO) No Lifau We'e Suli (LWS)	Sentru Saúde Baqui, Suku Naimeco,suku Bobocase, Lalisuk,	RAEOA


2. Analiza no Deskobrentu

2.1. Analiza jerál


Husi apresentasaun dados jerál kada fatin vasinasaun hatudu katak Suku Uaitame, Bibilio, matahoi, Colgoa mak valor ki'ik liu kompara ho fatin monitorizasaun 33 sira seluk, maibé husi komentáriu sira no rekomendasaun sira mak rekolla husi IMI (Letefoho), FHM (Balibo no Cailaco), HDI (Railaco Matata, Tokoluli), ARTC (Aileu -Manucassa), KHC (viqueque Sentru Saude Uatolari, Bibilio) hatudu katak partisipasaun komunidade mak la iha nune'e la

konsege iha atividade vasinasaun. Iha sorin seluk monitorizasaun mak hala'o husi Radiu Komunitade Tokodede iha Maubara, AUFD iha Baucau, CCC iha Covalima no A.HFTL iha Iliomar hatudu iha resposta pozitivu mak pergunta 7 hanesan esforsu sira, atendementu, preparasaun lojistiku apoiu lider comunidade, taxa partisipasaun, perspetiva comunidade no follow up ba monitorizasaun hotu-hotu prienxe, kuaze 100% resposta hotu-hotu di'ak.

Gráfiku 1: Valor Médiu kada Fatin Vasinasaun




Gráfiku 2: Persentajen ba Kritériu Jerál Monitorizasaun nian



Husi kritériu jerál monitorizasaun nian husi fatin vasinasaun 33, hatudu progresu di'ak iha pergunta Dahuluk, Daruak, Dahat no da lima kona-ba Prosesu atendentu pesoal saude iha fasilidade saude ho persentajen 71,62%, esforsu hodi hasae konsensia komunidade nian kona ba importansia ba vasina ho persentajen 70,27%, Apoiu husi lider komunitariu sira ou parte relevante sira hodi hasae taxa partisipasaun komunidade iha vasina ho persentajen 68,92% no taxa partisipasaun komunidade nian iha vasina ho persentajen 66,22%, pergunta ne'ebé sei presiza fó atensaun barak liu iha futuru mak kona-

ba pergunta datoluk kona ba preparasaun lojistiku no aimoruk vasina nian iha fasilidade saude sira, Daneen kona ba prespetiva kona ba fatin vasina sira nebe sidauk iha asesibilidade no hijene iha fatin vasinasaun, dahitu kona oinsá progresu no follow up ba rekomendasaun husi monitorizasaun liu ba.




2.2.Partisipasaun Jerál

Iha periodu semana ida ne lora 27-29, Setembru, iha partisipasaun mak aas tebes, husi fatin monitorizasaun 33 mak ekipa halo monitorizasaun deskobre membru komunidade total hamutuk 7,279 mak participa iha vasinasaun. Ida ne akontese tanba iha sentru vasina 33 iha munisipiu 11 no RAOEA hatudu atendentu hosi pesoal saude hahu diak, fasilidade iha fatin vasina hahu diak, involvimentu autoridade lokal sira hamutuk ho pesoal saude hodi halo kampanha iha aldeia no suku hahu diak, stock aimoruk vasina disponivel. Rezultadu monitorizasaun ba fatin vasina iha munisipiu 11 no


RAOEA hatudu taxa partisipasaun bot liu akontese iha munisipiu Dili prienxe 35,39%, tuir fali mak Covalima ho 14,84%, Liquiçá ho 8.92% no Lautem ho 8.04%, enkuantu iha munisipiu seluk

iha semana ne taxa partisipasaun ki'ik liu kompara ho semana kotuk nian. Númeru komidade ba simu vasina Doze Daruak barak liu, ida ne'e akontese iha munisipiu Dili, bobonaro, baucau,viqueque, Covalima, Lautem, kompara ho sira ne'ebé ba simu vasina Doze Dahuluk maibé iha munisipiu ermera no liquica, Ainaro no aileu doze 1 ne'e sa'e maka'as liu.

Gráfiku 3: Total Taxa Partisipasaun Komidade Simu Vasina Tuir Munisipiu Gráfiku



Gratiku 4: Partisipasaun Feto no ema ho Defisiénsia



Partisipasaun Feto, mane no ema ho Defisiénsia

Haree iha gráfiku ida ne hatudu katak rezultadu monitorizasaun ba implementasaun vasina iha munisipiu sira hatudu partisipasaun feto simu vasina iha semana ne nia laran ladun iha diferensia ho mane sira, iha munisipiu Viqueque, Ainaro, Covalima, Liquica no RAEOA taxa partisipasaun feto as liu mane, ida ne hatudu katak feto sira iha ona konsiensia simu vasina hodi proteje sira nia an hosi virus Covid19. Numero Ema ho Difisiensia (EhD) nebe ba simu vasina sei kik nafatin. Iha semana ne'e nia laran hosi munisipiu 11 inklui RAEOA rejista Ema ho Difisiensia nebe ba simu

vasina mak iha munisipiu Ainaro, Dili, Lautem no RAEOA ho total hamutuk ema 37. Ida ne hatudu katak governu liu hosi ministeriu saude no MSSI hamutuk ho lideransa suku sira presiza buka estratejia adekua hodi bele hasai taxa partisipasaun Ema ho Difisiensia atu simu vasina.

3. Konkluzaan no Rekomendasaun

Husi Rezultadu monitorizasaun ne'ebé hala'o ba sentru vasina 33 iha munisipiu 11 no RAEOA iha semana ne'e husi 27 to 29 Setembru 2021 hatudu katak iha progresu pozitivu barak tuir pergunta sira mak ekipa monitorizasaun husu, hanesan atendimentu pesoal saude hahu diak, lojistika nebe liga ho aimoruk vasina sempre disponivel, apoio hosi lider komunitariu sira nebe diak, sosializasaun iha nivel aldeia no suku hahu intensive ida ne hatudu taxa partisipasaun komidade ba simu vasina as. Maske em jeral hatudu progressu pozitivu sira maibe iha sentru vasina balun sei iha preokupasaun balun nebe Ministerio Saude hamutuk ho ministerio relevante sira tenki konsidera hodi hadian, hanesan tuir mai ne'e:

1. Iha sentru vasina balun nebe taxa partisipasaun komidade menus enkuantu stock vasina sei barak ida ne hamosu preokupasaun hosi pesoal vasina tanba fin de Outubro vasina sira ne expire ona.
2. Iha sentru vasinas balun hanesan iha Soro Ainaro no Sentru Saude Komunitario Atauro apoio lider komunitariu sei menus tanba ne afeta ba taxa partisipasaun komidade ba simu vasina sei menus.
3. Sentru saude Railaco sei enfrente menus facilidade hanesan transporte atu suporta sira ba fo vasina iha aldeia no suku sira.

4. Iha sentru saude/vasina nian iha Cailaco, Atauro, Letefoho no Namolesso Liquidoe iha semana ida ne nia laran taxa partisipasaun ki'ik liu kompara ho sentru saude/vasina sira seluk ida akontese tanba iha komunidadade balun sei senti tauk atu simu vasina, lideransa komunitariu ladun ativu hodi apoio kampanha vasinasaun nian.

Rekomendasaun :

1. Maske apoio lider komunidadade sira hodi promove partisipasaun komunidadade atu simu vasina aas ona maibé ida ne'e prezisa nafatin komitmentu pesoál saúde, lider komunidadade sira hodi nafatin foti lideransa no kolaborasaun ba promove partisipasaun komunidadade, iha possibilidade aproximasaun liu husi instituisaun Igreja no Consellu Veteranos no antigos Combatentes sira hodi ajuda mos fahe informasaun ba komunidadade hodi konvense komunidadade hodi hakat ba simu vasina (Fortifika rekomendasaun semana kotuk nian).
2. Rekomenda ba media ministeriu saude atu bele halo publikasaun konaba istoria susesu ba komunidadade sira nebe antes de simu vasina sofre hela moras balun hanesn ain ka liman sin no depois de simu vasina senti diak, paciente balun antes ne toba deit maibe depois simu vasina kompletu bele lao (kazu iha Posto Iliomar) . Publika mos total ema simu vasina pesentajen hira mak hetan efeitu negativu hosi vasina no hira mak la hetan efeitu negativu.
3. Iha fatin balun matéria promosaun no kampanha sira hatuur ona iha broxura, ida ne'e meius di'ak hodi halo promosaun no kampanha ba hasa'e partisipasaun komunidadade. Dala ruma mós prezisa uza número dados total ema sira mak participa iha vasina primeiru no segundu, hodi atrai liu tan partisipasaun, ho nune'e bele hasa'e koñesimentu, hadook lia bosok, inklui komunikasaun ba desizaun governu nian.
4. Fó atensaun jestaun tempu, atensaun ba fasilidade no lojistiku sira importante tebes, hanesan bee moos, fasilidade faseliman, jeleira ou cool box rai ai-moruk nian importante tebes atu aseguara kualidade ai-moruk no hasa'e partisipasaun.
5. Asesibilidade, hanesan mensiona iha leten iha Postu Saúde Iliheu no Vera Crus, Becora nomos iha sede suku sira barak la iha asesibilidade no sentru vasina iha suku sira area remotas no rural , importante tebes, nune'e husi atu nafatin servisu entre sentru/postu saúde ho lider komunidadade inklui servisu hamutuk ho organizasaun ema ho defisiénsia hodi promove partisipasaun ema ho defisiénsia no Presiza kria kondisaun atu ema ho defisiénsia bele asesu vasina iha fatin hotu iha Timor laran tomak.
6. Persija halo kolaborasaun ho Igreja liu liu ho amo lulik sira atu bele hato'o informasaun konaba importansia simu vasina hodi proteje ema nia saude iha misa laran hodi aseguara taxa partisipasaun komunidadade bele aumenta hodi aseguara prevensaun COVID-19 neébe efetivu.
7. Disponibiliza fasilidade transporte no kombustivel ba pesoal saude iha sentru saude sira nebe atende vasina iha area remotas sira.
8. Presiza konsidera insentivu ba lider komunitariu sira nebe fo apoio ba pesoal saude iha kampanha ka sosializasaun vasina iha aldeia no suku sira.